





梅溪先生後集卷第十七

詩

戊子八月二日得泉州

五年符竹換三州乞得祠宮欲少休名姓誤蒙君相  
記泉南千里又分憂

解舟

九月二十九日

解舟城之南橙橘半青黃時節豈不好胡為辭故鄉親  
朋送我行發動餽壺觴我欲與之飲舟去留靡遑僮僕  
別我歸黯然顏色傷問我何時還田園又成荒我心愧  
其言老矣身皇皇五載走三州道路險且長婁請方得  
祠暫歸又懷章挈家入南閩兒女不盡將餘生疾病多



滿鏡鬢髯蒼到官即有乞行將返耕桑

過瑞安

我家古樂成老未識安固偶把清源麾首問南塘路解  
維日已晏入境天欲莫張子自陶山子猷扁舟惠然顧  
沈君壯年別敦羨相見髮垂素訪舊多不存來觀莫知  
數平原二十人邂逅喜相遇謂我宜少留欲款不腆具  
我驅不敢疾曲為一宵住臨江有高閣登覽可以賦瀾  
同孟子觀自作少陵注燈火照魚龍談笑驚鷗鷺病盃  
鄉意濃竊食一君恩誤晨起酒未醒潮來報催渡

贈沈敦謨

三十年前硯席同懷人長在夢魂中徒勞州縣知何補

高蹈丘園不是窮歷問舊游多故鬼偶餘我輩亦衰翁  
相逢又却忽忽別無復從容似泮宮

觀潮閣

高臨無地屹山腰今古知觀幾度潮水鑑掛空波正滿  
鯨魚入穴浪還消雷初出地神龍怒銀忽成山海若驚  
聖世風濤合平靜不應泛溢似唐朝

訪曹夢良

我自蕭峯下遙來訪許峯川塗何敢悼筆硯文相從故  
里行將遠吾人豈易逢何當繼韓孟相逐似雲龍

鳳凰岩

鳳鳥久不至胡為於此藏德輝如可覽應不恋高崗



蕭家渡

渡頭問舟子此渡胡名蕭舟子笑答我使君家匪遠豈  
不聞侍郎名德重本朝婁為二千石兩至萬里橋渡旁  
乃其宅人亡木惟喬陰德滿鄉閭嘉話傳魚樵江水流  
有盡姓名磨不消近同池號謝遠類江稱姚叔頰謝舟  
子講聞非一朝恨生晚且賤無繇際清標坡公不識范  
韓子思之僑敬瞻道德門魂往不可招

入長溪境

老矣倦游宦入閩如山川三山疑隔海九嶺類鑿天  
有鑿天種稻到山頂栽松侵日邊溪長水無盡前更有  
清泉

贈程天祐秀才

程生嗜好與人殊杖屨遙遙訪我廬不踏槐花隨舉子  
手持醫國惠民書

宿飯溪驛

甌嶼飽曾見飯溪名始聞老懷如子美到處不忘君  
有甌嶼山門擁千峯翠溪無一點塵松風清入耳山月白隨人

宿雙岩寺

崎嶇九嶺更双岩遙望閩山未見三來訪神鍾隱見處  
翠微深鎖古精藍

至福唐會鄉人丁鎮叔張器先馳雲鄉項用中趙



知錄薛主簿同年孫考忠草酌試院

一同年友七鄉人勸酒那容耳不聞尚齒自驚多白髮

論文堪笑有紅裙權師吳憲道詩篇共約題欲與君官

猶疑在五雲考忠會稽人昔此會此時年易得明朝

風月兩州分

宿真隱寺

我亦欲真隱區區愧此身山林與城市何處隱非真

飯枕峯

門外峯如枕宜眠清淨身禪僧自面壁誰是枕峯人

飯罷忽忽別勞生可奈何不能留一宿有愧此峯多

宿囊山寺

古道場石門有路探懸囊忽忽不着游山屐

沈也 辨香 飲日 痛微

我來萬籟正號風壁上觀詩憶蔡公惟有秋林舊時月

夜深猶照梵王宮

過蔡端明故居

懷章南過蔡公鄉駐馬遙瞻數仞墻丹荔株株經品藻

喬松葉葉惠清涼四賢詩出人增氣三諫章成國有光

真是濟川三昧手清源游戲作虹梁

譙七邑宰

九重宵旰愛民深令尹宜懷撫字心今日黃堂一盃酒

發動端為庶民斟

老朝字今堂未寫  
一五頁前子第九字



知錄薛主簿同年孫彥忠草酌試院

一同年友七鄉人勸酒那容耳不聞尚齒自驚多白髮

論文堪笑有紅裙權師吳憲詩篇共約題欲與苒宮

猶疑在五雲考忠會稽人惜此會此時寧易得明朝

風月兩州分

宿真隱寺

我亦欲真隱區區愧此身山林與城市何處隱非真

飯枕峯

門外峯如枕宜眠清淨身禪僧自面壁誰是枕峯人

飯罷忽忽別勞生可奈何不能留一宿有愧此峯多

宿囊山寺

荔子枝中古道場石門有路探懸囊忽忽不着游山屐

只辨嵩呼一辨香次日蒲微

我來萬籟正號風壁上觀詩憶蔡公惟有秋林舊時月

夜深猶照梵王宮

過蔡端明故居

懷章南過蔡公鄉駐馬遙瞻數仞墻丹荔株株經品藻

喬松葉葉惠清涼四賢詩出人增氣三諫章成國有光

真是濟川三昧手清源游戲作虹梁

譙七邑宰

九重宵旰愛民深令尹宜懷撫字心今日黃堂一盃酒

發動端為庶民斟

考五尺五

考五尺五



送赴省諸先輩

國朝人物盛溫陵秋賦叨叨廉食莘入倍平原門下士  
心八十文聯韓愈榜中名丹墀何止二千字雲翼行看九  
萬程勸駕龍鍾老太守籃輿準擬出郊迎

次韻夔漕趙若拙見寄

去秋移郡近家鄉便殿狂言拜手敬何敢許身為稷契  
偶因論事及先湯民雖婁試如馮翊詔未能焚愧益昌  
乞得祠官養衰病夢中依舊坐黃堂

夔門邂逅恨忽忽君駕重来我已東陳迹徒勞長者記

若拙書六欲說清樽那復故人同光華持節花溪上得  
若拙移老病分符佛國中清源號吾輩樓樓不點突此

生休更問天公

知宗生日士恭字悅中

天工未放二陽生留得堯階一英萸慶誕仙源貴公子  
祥開南極老人星日垂宮線添無盡貌比莊椿看更清  
歲歲華堂祝眉壽笙歌聲裏雪梅馨

哭令人

三十年間共苦辛忽然驚斷夢中因鍾情正是我輩事  
鼓缶忍同方外人熊膽未酬平昔志牛衣猶是向來貧

令人不當財嘆目閩山滿眼同來路木落風號淚滿巾

貢院車水築基諸公懼魚鼈活之別沼

塞沼增基大厦成群鮮亦免校人烹洋洋圍圍諸公競



要與吾君廣好生

出郊勸農

六年四郡勸農耕自欲歸耕尚未成游宦何如在家好  
一塵從此頭為氓  
守臣憂國願年豐半刺雙鳧此念同安得時場時雨若  
有生均在泰和中  
小麥含花大麥黃一年春事已相將籃輿遍入三精舍  
發得公家半日忙  
一千石奉竊南州老病餘生厭宦游已上祠章即歸去  
一犁烟雨事西疇

題靈秀峯禪院

聽幽

埃

二

小小精藍亦自奇一峯靈秀蘊幽姿無緣細听山僧話  
太守偷閑止片時

送九座訥老

禪老遙從九座來一言為我洗塵埃飄然又向山中去  
白首相逢更幾回  
至樂亭中半月留溪山杖屨能尋幽見師忽起廬山夢  
夢向舊時游處游

崔肅之 雍自湖至泉遷二親之喪歸塋詩以送之

番水同僚舊遙從雲水來異鄉欣覩面清話洗衒衣  
有賦白葱鬱佳城就勤勞孝子回不應淹推酌中外王  
須才

卷之七



夜闈子規痛念亡者

夢覺音容杳莫追子規聲裏涕霑衣催歸無計同歸去  
耘後耕前事已非

南宮揭榜温陵得人為盛提舶馬寺丞有詩賚喜

次韻

龍虎鄉邦地最靈鯤鵬相繼上南溟已聞元凱賓虞國  
六行見淵騫冠孔庭帝遣伏波持使節天教平海會  
文星鈴齋忽報捷音至一炷清香千佛經

諸公一廷對甫滿復用前韻

清源紫帽發英靈萬斛詞源水注溟遙想恩袍動草色  
之知喜氣徹天庭名高虎榜唐文傑人半雲臺漢列星

累月嘗見幾翁媪夜深燈火習窮經

次韻知宗春陰

行人怨雨農憂旱永叔元之事可明不歎花前無客飲  
且欣郊外有農耕知公興已烟霞重顧我心尤勢利輕  
天意稍佳民事急總將行樂付宗盟東坡詩云斯人何

夫志行轍一君看承叔與

次韻知宗游北山

州北有山幽更幽皇天閣雨為公游登高如入上下空  
宴坐忘臨大小湫掃地焚香烟綉榻煎泉瀹茗乳花  
觀詩起我家山興身在閩南夢在甌

悼亡



燕寢焚香老病身細君相對坐如賓而今一榻維摩室  
唯與無言法喜親

不見音容忽三月無從涕泗已千行家山準擬欲掃  
堪嘆相隨無孟光

借老相期未及期回頭人事已成非逢春尚擬風光轉

飛于利左後子人及為花片飛

寶鏡詞第... 侶夢寐相隨到數州況上迹留鴻已去

舟中刻在劍難求

次韻知宗醉醪

萬斛虬珠眩眼明啟春運吐冠園英詩因居士價方重

東坡詩絕唱酒賜名臣花透榮香異竹間吹細細韻如

堂上出盈盈醪醪芳姿自可交蘭蕙惜不當時遇獨

清醪醪不載

游承天寺後園登月臺贈潛老

三徑荒蕪未許尋籃輿來訪小園林因知燕寢疑香地

不似禪房花木深

月臺無屋有空壇空處觀空眼界寬不惹世間塵一點

冰輪心鏡兩團團

送賈岩老还鄉

閩江艱險嶺崔嵬不憚衝寒冒雪來留我鈴齋兩三月

扁舟載得義風回

堂上慈親數月遠片心遙逐白雲飛傷心盡听秣陵烏



燕寢焚香老病身細君相對坐如賓而今一榻維摩室  
唯與無言法喜親

不見音容忽三月無從涕泗已千行家山準擬效掃德  
堪嘆相隨無孟光

借老相期未及期回頭人事已成非逢春尚擬風光轉  
過眼忽驚花片飛

賁綠偶作子飛侶夢寐相隨到數州況上迹留鴻已去  
舟中刻在劍难求

次韻知宗醉醪

萬斛虬珠眩眼明散春暹吐冠園英詩因居士價方重

東坡武昌絕唱詩酒賜名臣花透茶香異竹間吹細細韻如

堂上出盈盈醉醪芳姿自可交蘭蕙惜不當時遇獨

清醉醪不載

游承天寺後園登月臺贈潛老

三徑荒蕪未許尋籃輿來訪小園林因知燕寢疑香地

不侶禪房花木深

月臺無屋有空壇空處觀空眼界寬不惹世間塵一點

冰輪心鏡兩團圓

送賈岩老還鄉

閩江艱險嶺崔嵬不憚衝寒冒雪來留我鈴齋兩三月

扁舟載得義風回

堂上慈親數月遠片心遙逐白雲飛傷心盡听秣陵鳥



唯弟言歸秘不歸岩老聞神帝遂起扁只  
乃翁賢德冠吾鄉伯氏声名藹上庠更喜君如里曾子  
少年孝義已非常

送岩老出北門

暮春送客北山門厭坐黃堂喜見村麥熟秧青農事急  
十分歸興在田園

客欲東歸出北門又聞聯騎過西村慇懃為遣十從事  
莫惜醉吟紙樹園

送傳興化自得字安道

五馬躬迎八十親甘棠如舊治惟新歡傳此日來廉范  
記得當時借寇恂江海聊淹把麾手廟堂元是薦賢人

送君為守泉南守政拙才疎藉賢鄰

曹夢良寄柑聞詩聞禮革取以祭毋哭泣不已

嘉果遙來自故鄉去冬初熟記同嘗爾銜懷橘無窮恨  
我亦傳柑念不忘

四月八日貢院上梁

廣廈初成万柱標脩梁巍跨玉虹腰况逢此日生子佛  
定引群仙上九霄下筆蠶聲紛戟藝出林鷲文競廷喬  
清源人物從今盛孝子忠臣滿一聖朝

諸公和詩復用前韻

脩梁欲舉綵先標聲撼春雷鼓百腰絡蟄蛟龍欣得雨

去年西溪龍見桐樓寫鳳合冲霄  
上梁日得雨



紫帽山齊泰嶽喬學不負人耳自勉前賢勲業著三朝  
曾魯公相三朝

梁脊連年姓誤標兩州騷客瘦吟腰月河月滿燕賀夏

善川貢院十一月十五日佛国佛生虹掛香多士頌歡

歌拉老一輪香滿賦張喬此遠不止為科第名節崔嵬

看立朝

悼亡

傷我無復見老矣不成階牢落疑香地同誰話此懷

相勉惟清白囊如四壁空唯恐將絕語勸我莫言窮子

日忽言窮令入日居今勝作書會時夫不必言窮于也共言蓋死之前教日也

薛士昭主管母夫人加封送酒為壽薛有詩謝次

韻以酬伯宣

慶事公家奕世傳生封錦告出甘泉榮親行有千鍾祿

為壽慚無百斛船喜氣在顏窺貴客清風蒲枕扇高眠

朝廷指日先封薛婦侍萱堂見有蟬

送吳憲知叔

出郊聞好語盡道憲車賢郡不留三宿人皆仰二天薦

章先白屋公五郡薦三貢字給青錢以百餘助上正開

宣室公歸席定前

祈雨未應提舶知宗道觀焚香明日遂雨提舶有

詩次韻

一雨誰之力因公發善心同為上公請小作傳岩霖高



廩行將實南風日已駸消辰祈善利感應亦猶今

次韵知宗賀雨

雲飛初類愈隨郊珠忽跳空室舞蛟但願農多大田稼  
不愁風捲少陵茅是也才疎政事由來拙天精誠未  
易交三日禱祈總一雨自知無處避謳朝

次韵陸倕賀雨香字次川

目注雲霓為目憂何心肥馬更輕裘庶民愁恨旱無雨  
三日滂沱農有秋且喜上公容我請不辭太白共君浮  
人言太守無才術端藉士龍監此州

夏四月不雨守臣不戢之罪也將有請于神雨忽  
大作陳賀州有詩贊喜次韵以酬知字倕仁

不是尋常喜雨詩言存軌物類臧僖賀州詩序亦

解今空未寫  
七十四後小十字  
微不今空

郡人方切望雲霓忽見高田水入低正好歸田飽黃犢

沈郊騎馬听朝鷄

賀州賀雨句如何不滅夔州夢得歌陳詩更有

一犁江上曲它年傳誦出金坡

政拙年年厭禱祈心香一炷逐雲飛老農問我何良苦

薄有田園胡不歸

刺桐抽葉張青蓋泉人以刺桐先業紫帽蒙霞覆錦籠

俗謂朝霞暮雨果有霞今歲家家定高廩多苗寧復羨長儂



廩行將實南風日已駸消辰祈善利感應亦猶今

次韵知宗賀雨

雲飛初類愈隨郊珠忽跳空室舞蛟但願農多大田家  
不愁風捲少陵茅是心才疎政事由來拙天精誠未  
易交三日禱祈終一雨自知無處避謳朝

次韵陸倕賀雨審字火川

目注雲霓為目憂何心肥馬更輕裘庶民愁恨旱無雨  
三日滂沱農有秋且喜上公容我請不辭太白共君浮  
人言太守無才術端藉士龍監此州

夏四月不雨守臣不戢之罪也將有請于神雨忽  
大作陳賀州有詩贊喜次韵以酬知宗字休仁

不是尋常喜雨詩言存軌物類臧僖賀州詩序亦

至乎律之非真州將歸賀天朝雨定有忠言結知如

郡人方切望雲霓忽見高田水入低正好歸田飽黃犢  
不須騎馬听朝鷄

賀州賀雨句如何不滅夔州夢得歌陳詩序云開更有  
一犁江上曲它年傳誦出金坡

政拙年年厭禱祈心香一炷逐雲飛老農問我何良苦  
薄有田園胡不歸

刺桐抽葉張青蓋泉人以刺桐先葉紫帽蒙雲霞震錦籠  
俗謂朝霞暮雨今歲家家定高廩多由寧得羨長儂



次韵蒋教授喜雨籬字元甫

我来遥自京甌東賢非朱邑鄉守桐隸妨半年為郡治  
亡狀四月不雨心憂農水田龜拆秋已老雲霓望斷天  
穹隆少學春秋老欣用區區願請應上公真人不待辦  
香禱線有驟真入紕帽已有徵雲蒙沛然一雨四境足  
眼見灑淫肯連空皇天愛民怒守罪有始其賜寧無終  
既令地免晉國赤亦不水以元時洪廣文先生坐絳帳  
憂國心與黃堂同揮毫作訟繼吉甫開卷穆穆生清風  
知宗游延福有詩見懷次韻以酬  
向來雲樹倚闌干興已遙馳那外山風伯如嫌俗駕至  
禪房疑為病夫閑鈴馳倦臥眼界寂詩社危陪心境閑

蠟後何時破吾顏與君舒嘯翠微間

提舉延福祈風道中有作次韻

兩初欲乞下俄沛風不待祈來已薰瑞氣遙看騰紫帽

豐年行見割黃雲大商航海蹈萬死遠物輸官被八垓

賴有船臺賢佚耆端能薄飲休吾君

病中食火山荔枝

前年夔州食荔支同僚共賦紅詩妃子各園世所貴

不似詩定堂前奇去冬分符南士半月身行荔支圃

三州嘉木皆眼見更閱君謨向來譜臨漳一種名火山

品雖云下熟則先後今漸入荔佳境陳江未擘先流涎

老病餘生怯嘉果日嚼那能三百顆慙慙為破絳紗囊



心火驚添火山火

諸公和詩再用前韻

屏間觀畫願頗支州若有屏畫想像風味或新詩火

山太早反遭罵諸公和詩陳紫未顯誰稱奇氣稟南方

君子士不近長安帝王圃安排名字知何入誤與牡丹

同入譜泉南老守思故山荔熟我去誰後先但領丁香

一株熟添入藥裏恣痰涎平生夢寐南州景瘦腹如蟬

消幾顆明年何處釘杯盤馮蕩山前月流火永嘉七月

漳州石教授寄火山荔支名邦彦

炎方摘實走筠籠千顆遙遙寄病翁未啗吾州法石白

且嘗鄰郡火山紅挽先慈得楊盧雨珍重來從芹藻宮

我欲細論香色味一尊何日廣文同

東湖小飲

微涼散梅潤濃綠數桐陰送客出東郊駕言事幽尋湖

光照我眼荷香清我襟平疇入遠望歲有其自今牛眠

種已畢蛤吠苗初深古亭懷二公遙望羅千岑邂逅得

良友欣然契予心喬松喜客來風枝出清音手持荷葉

杯共對蓮花斟東湖異西湖有詩不妨吟

東湖

二公亭挿芰荷間綠蓋紅粧四面環若把西湖比西子

東湖自合比東山

愛松堂



炎炎畏日愛濃陰穆穆清風愛好音不獨愛松兼愛竹  
此君亦有歲寒心松之西有竹

食衣呈知宗

荔子芳民疏伯游蒲萄釀酒博涼州何人傳得東陵種  
大勝家封萬戶侯

題節推納涼軒孔光字德壽

有客游蓮幕開軒更傍蓮披襟風未賦遞嘯句先聯境  
淨涼偏之心清暑自蠲快哉誰與共廣厦集群仙軒近

州宅郎事

泉南古州宅草木有遺芳鷹爪冬猶綠閣提夜更香佛  
桑朝暮異荔子歲年長惟有松并竹青青似故鄉

修鷹爪花架

有花藤蔓生封植傍州宅狀類鷲禽爪葉作翻風翻酸  
分含笑香黃帶簷苞色架倒吾為扶清涼納朝夕

鷹爪花

誰把名鷹爪天然狀不殊無心事搏擊中有鳥相呼

長生草

草有長生者無根葉自抽秦皇不知此誤向海山求

榕木

南国有喬木老非梁棟材清陰可以覆亦足報栽培

安靜堂

前賢治迹尚堪尋留得堂名直至今若欲斯民盡安靜



要須安靜自家心

中和堂

堂前老木幾經春  
閩徧泉南舊守臣  
盡向中和堂上坐  
中和為治有何人

雲榭

山生取地樹侵雲  
土木多應後鬼神  
好向危欄高着眼  
問闊無限困窮人

二山亭

連年行役厭間關  
踏遍千山見二山  
欲識泉南山面目  
群山總在一亭間

清暑堂後復名忠懿

九夏炎方氣鬱蒸  
沉沉廣廈有涼生  
仁風未慰黎民意  
何忍堂中暑獨清

貢院納涼分韻得湖字

突兀千間屋  
清涼五月湖  
人才此塗出  
暑氣坐中無  
虎榜唐文傑  
雄風楚大夫  
相期游廣廈  
慷慨論唐虞

知宗游東湖用貢院納涼韻見寄次韻奉酬

東湖曾一到  
想像賀家湖  
花似越女好  
人如狂客無  
知會高吟  
遷老手野趣  
屬潛夫  
歸奏南風曲  
薰兮欲和

虞

再和

宗老呼佳客  
同觀郭外湖  
融樽常喜滿  
參酒不言無  
知



二行草色懷三徑松聲憶五夫越州五夫因秦公游更  
何日旌至定招虞

比和知宗詩牽於押韻以招虞為戲某蒙見招

復用前韻

宗英真好事呼客共游湖携具臨平遠觀山對有無十

花逢淨友增器伯十花千頃和雲夫韓詩剛盧雲夫荷

雖得玉又求劍無厭慚似虞

游湖值雨薛士昭衣巾露濕意氣自若戲用前韻

薛侯真不俗十日雨東湖俊逸詩篇有倉皇雨具無袍

雖濕豈父眉不皺老夫異夕月離畢游宜備不虞

次韻知宗游二公亭

前日同登二山亭清源入望清更清宗英載酒挾兩客

破暑共作戒東行東湖未到聞人說香有荷華如鄭隄

社中未為三笑游亭上姑尋二公跡街盃適意論交情

江山照眼增雙明聊效韓公文字飲奚用鼎沸笙篴聲

提舶示觀楚東集用張安國韻因思番陽與唱酬

者五人今六年矣陳何二公已物故餘亦離索為

之慨然復用元韻

憶昔江東會衆仙詩筒來往走山川時陳在豫章何按

造樓游戲偶成鳳煉石辛勤同補天堪嘆交游隔生死

尚餘文字帶芳鮮欲收膏馥增前集舶使新詩自合編

五月晦日會知宗提舶通判納涼雲榭提舶用仙



字韻即席賦詩中寓四字次韻以酬

雲樹銜盃半八仙却是來自蜀山川地如沫泗占高第

人似羲和分昊天單騎聯翩成駟馬杯羹淡薄從三鮮

目風雅頌寂寥文太史採詩宜與編

知宗提舶即席贈詩用元韻以寫并簡通判

子政堂堂漢列仙清標况對馬文淵代川催詩風送千

山雨把酒涼生五月天老子濫分南郡竹貳車行擊故

家鮮通判將誤蒙好語相提拂豈有功名上簡編

提舶欲移厨過雲榭示詩次韻

雨中前日過蘇端又欲移厨就稍寬古榭有風聊可共

衰頰得酒定須舟謫仙醉後句尤勁東野老來詩更寒

繼取洛中真率會他年要作畫畱看

提舶携具過雲榭知宗出示和章復用韻

不須蠟屐上林端高處登臨眼自寬擺極風翻梅裏白

稍景早者農家離支日照鶴頂舟山川滿目如京洛臺

榭侵雲類廣寒賓主往來俱不遠如棠不比魯侯觀

老來憂患苦無端一笑相逢強自寬詩律頻調代音樂

壽觴滿引當仙舟二山坐對事非偶二山一名朋山三

徑思婦盟不寒出岫白雲知幾許榭中矯首共遐觀

知宗即席和端字韻三首提舶退即足之予第三

詩經夕方和錄呈二家

毫禿中山硯滌端社中詩令不容寬難追老杜風鬢手



徒費昌黎點勘丹徒我枯腸鬢髮皓吟公佳句齒牙寒  
自慙淺陋如曹鄴季子觀風定不觀

傳興化送蔡端明集報以溫公文因求端明帖

迺更遺文整頓初寄吾聊當報瓊瑤南鄰尚有無厭意  
更覓一皇朝第一書東坡謂君護書為本朝第一

陳賀州速客送酒

賀州呼客細論文我欲相過與共論正恐俗他真率會  
不如分去聖賢樽著當濃綠畫中盃杯向輕紅擘處翻  
即席有詩應寄我敲門來送月黃昏

丁惠安贈肉菘蓉康臣字道濟

老子當帰興已濃今君何事寄菘蓉行將卜築前湖去

簑笠牽牛作老農往年同泛舟城雨有卜築之意

梅溪先生後集卷第十七



梅溪先生後集卷第十八

詩

修戒石

曩在夔府修戒石作柏梁体今郡庭戒石痺陋葺而  
新之貢院會同官以夔府前四句分韻得尔字

君以民脂膏祿爾大夫士脂膏飽其腹曾不念赤子貪  
暴以自誅誅求不知恥指呼有鷹犬嗜慾肆蛇豕但言  
民至愚孰謂天在迺昭然甚可畏歟必反乎爾聖訓十  
有六簡嚴具天理大字刻山骨朝夕臨坐起一念苟或  
違方寸寧不媿清源濂中石慙頓自今始何敢警同僚  
兢兢惟初已



知宗送玉友酒

鈴齋晝寢夢初醒忽見雙顰眼欲顰誰送冠頭新玉友  
人言天上老宗英

林清世傳贈莆中荔子名狀元紅分送陸倅陸有  
詩次韻林名孝澤

譜中不見見屏中

州宅荔支屏風中正與花王雅目同

此亦別駕破荒吟好句少陵詩裏擘輕紅

提籃送荔支常用前韻

船臺舟荔新秋熟風味如人自不同名字未安真缺典  
從今呼作馬家紅舊已有名馬家綠者

州治有忠獻堂以韓魏公始生得名廢於俗史更

以清暑今復之

相出相州生此州巍巍勲業宋伊周後人莫要輕更改  
別有堂名勝此不

六月二十五日會同官于貢院用前一絕分韻得

相字

天作元聖配東坡公文天生公非淺夫相荆公詩骨

夫乘風來帝旁捧日到天上兵戎在呼吸端委見力量

三朝社稷臣勲業誰輩行堂堂固伊周勃輩安敢望慶

聖德詩可屬大清源始生地風土至今王釋氏從何得

抱送真不妄事具好事榜其堂嘉名無以尚何人輒更

改有識為悽愴端同聖削迹又類元覆醬思賢舊觀復



聞風懦夫壯堂上生輝光如公名始唱公唱之時發骨  
死猶寒如公昔為將畫象出貂蟬疑公尚亡恙平生夢  
我心眷此應不忘嗟予生太晚不識天人狀版圖猶未  
復畫錦無由訪維揚金紫腰歎息為誰放一麾忽南來  
遺迹增慕嚮當於異夢處祠堂為公創公生時母  
新第先婦者五人燕于黃堂故事也酒半啜茶于  
忠敬堂持盃以勸即帝贈詩  
四海英才入網羅清源龍虎姓名多經魁蘭省得人傑  
策射楓庭收甲科奎宿呈祥前未見緯星還舍首相過  
一盃忠敬堂中酒名節相期要不磨  
寫真自題

顏蒼髮白少精神博得泉南老病身莫著金章著蓑笠  
丹青寫出更須真

士昭贈寸金魚子

三印子魚猶未食寸金魚子輒先嘗鄉人得得分鄉味  
轉使鄉心念故鄉

贈第二人石察判起宗

策冠諸儒已奏聞不妨居次避平津坐看万石門闌六  
石初轉覺朋山氣象新黃卷更窮稽古力青雲莫負致  
君身試觀忠敬堂中像亦是當時第二人

荔支七絕

陳紫

總題低格

以下七題低格



端明 品第首推陳花裏姚黃是等倫郡圃一株稱小紫  
故 豕風味自宜珍興化所送及郡圃

○○○江綠

枝頭 已熟疑非熟蔡譜江家綠荔支真與泉南入物稱  
果中猶作亞魁推泉州自龍虎榜以末多出第

○○○皺玉

莆中皺玉價傾城品第吾何敢妄評只恐此非真皺玉  
果然是玉亦虛名

○○○大將軍

荔支名字大紛紛所見多應不逮聞別有深紅霸群品  
鄙人呼作大將軍即圖荔支以大將軍為冠

○○○玉堂紅

天教尤物產閩中名字深奇日不同願我素稱田舍子  
如何敢啗玉堂紅

○○○奪先紅

林目正處見贈因以  
訓之林嘗魁別頭

閩中荔子說莆中闕下奇包又不同正向鈴齋想風味  
奪先入送奪先紅

○○○七夕紅

宅堂荔子無名字自我呼為七夕紅記得去冬初到日  
家人指樹語衰翁

○○○貢院垂成雙蓮呈瑞因成鄙語勉士子

大厦垂垂就嘉蓮得得開双双戴千物兩兩應三台泉



三雙雙九九歡意重重合香風比比來人人宜自勉舉舉有  
廷魁梁魁登第津宮有雙蓮之瑞

陳賀州賦雙蓮詩不言祥瑞次韻以扇

紅葉明鏡兩鮮鮮中有雙頭更顯然天產人才兼產物  
公祥和氣不祥蓮耻談子厚表中瑞肯詠章安橋畔篇  
何日相呼登泰華采華食實藕如船揚公濟永嘉以雙蓮  
者双双橋畔新舊花今不見喜見似花人揚集說章安

。一郡圓有荔支名白蜜者孰最晚戲成一絕

紛紛蜂采百花歸蜜在枝頭竟不知造物要令甜 在後  
時人莫訝孰何遲

送王提幹完

昔年王儉客今共阿戎將嘗藥子當去請何予欲休過  
從部幾日離別况逢秋婦上双親壽塗中莫逗留

觀貞院畫春景圖

梁棟翬飛氣象新畫工妙思亦通神要令寒士皆春色  
四景之中獨畫春

韓魏公生于泉南州宅故未有祠於典為闕郡圃  
有庵名大隱即之以祠八月戊子率同僚祀之

天開我一宋太平基燕府真人下應期河朔魁梧出真  
相泉南葱鬱產奇兒夢符蚌腹生珠夜事應台躔捧日  
時蒸帽清源發光采郡園深處立新祠

陳提刑永仲以清名室志先德也詩以美之名孝



龐公嘗有言我獨遺以清賢者於子孫所遺良不輕顯  
 川老龍公落落前朝英帝命作南伯清德如廣平宸翰  
 一字棄不啻華苑榮是以自賢孫持節蜚英聲結廬桐  
 城隅室以清為名仰不忝厥祖俯能規後生我來聚星  
 地喜見此老成公清不自言藹然著鄉評時焉訪其室  
 鄙吝不敢萌如覲任崇水似濯滄浪纓願移清室風于  
 以清室瀛

撲鄉釣隱圖

將元叔名所居之地曰地  
 鄉書局見示為作是詩

君不見少陵先生詩有說淳朴之處山川別廣文示我  
 村鄉岳山水高長景奇絕巖坂疑為子陵隱昆溪想自

崑崙決漁人款乃山水間抱璞含淳釣清紫九仙高舉  
 留遺躅三徑名家出人傑早將朴直取巍科行展朴忠  
 立奇節鳴琴百里邑既以朴化民橫經泮水宮又以朴  
 誨人他年致君堯舜上坐使風俗俱還淳功成名遂却  
 歸去漁釣重尋舊隱淪廣文笑我言公朴甚我朴聞公  
 家左原四面擁山岳迴隱如愚溪窈深若盤谷人皆朴  
 其貌公又朴其學君子以為古先進於礼樂公鄰真朴  
 鄉胡為不自覺願公著隱服歸尋舊盤旋酌酒梅溪上  
 把釣尊湖邊更畫左原山水圖與此朴鄉圖並傳天下  
 大朴散已久二鄉猶在義皇前

八月十五日貢院落成賓僚成集斥世俗之樂不



用飲文字也。把盃逐月，朝香滿一輪。中句即席賦詩以勉多士。

揚輝秋月懸青天，今文何夕光更圓。瓊為樓臺三為宇，廣寒境界移清泉。月斧雲斤天上手，萬間突兀摩星斗。白頭郡守呼衆賓，共飲落成文字酒。龍虎群仙上界還，手移桂種栽泉山。千枝万枝香不断，人人有分行當攀。姮娥慙勤寄消息，科第要從勤苦得。丹桂在君書卷中，不須遙向蟾宮覓。

送薛士昭

相逢一笑慰衰遲，問政論交兩不疑。直諫多聞三益友，清新俊逸百篇詩。衣猶未及去何處，橘已成懷喜可知。

一薛居州非易得，危言行見造朝時。記得祥符識面時，回頭二十二年非。羨君學似川方至，願我身如鳥倦飛。老境天教重會合，異鄉心最惜分違。雁山親舊如相問，征雁歸時我亦歸。

愛松堂前有綠竹，一葉可愛旁有鷹爪花。頗碍眼，移去之。

窓前栽植不宜繁，松竹相依妙意存。不許閑花放鷹爪，要看高節迸龍孫。

提舶送菊酒有詩次韻八日

鈴齋午睡夢魂驚，僮僕歡呼洗破觥。酒是爛柯山下法，詩如蓋水坐間成。謾同陶令浮黃菊，也勝蘇仙嗅落英。



蓬萊蕭疎對佳節因公緣起故鄉情

九日登雲榭

九日無悵懶出閤強登雲榭望泉山傷心不忍看茱菊  
蓬萊蕭疎淚點斑

十日同知宗提船游九日山巡福寺

十日同游九日山山中好處畧躋攀桑田改變松猶在  
車馬往來心自閑昨日風應吹紫帽今朝菊已帶衰顏  
登臨稱愜南來意好逐飛飛倦鳥還

御書閣

黃龍溪上祥雲覆紫帽山頭瑞氣蒙俗眼驚傳佛光現  
不知一宸翰在山中

思古堂

孤嶼特人思謝公天台禪客亦思豐國清有思豐堂黃花境界  
誰思古堂在烟霞縹緲中

喜利王廟

有德於民廟貌崇我來端為謝年豐曰賜曰雨皆神力  
不止南風與北風

晉時松

孤山陳柏已物化九日晉松猶後生欲問東南兩朝事  
風枝蕭洒侶談清

秦君亭

山中高隱欲逃名不謂名隨隱處成鑿石一泚詩教首

伯今改正



世曾文毅五言城

姜相峯

相國忠如宋廣平危言流落晉江城天資自直無心賣  
何事青山亦得名明皇謂宋璟德宗謂姜相皆有直取名之語

無名木

一木蒼然老更奇肯將名與世人知我來不具知名眼  
深愧平生不學詩

姜秦峯

舊在延福寺中後易之立前守生祠而遷其家於西山石佛之下前守乃長德也

頌者

邵侯不識因元勳釋子那知姜與秦隱士有靈應撫掌  
相公死亦不容身

陳公祠名簡字君舉

九年地主百年祠民自元豐結去思善政在人宜有後  
堂堂忠肅見公兒

蔡端明詩

賢侯去久迹猶遺乞雨詩奇字更奇世俗妄論公政猛  
愛民心有彼蒼知

石佛

卧草埋雲不記秋忽然成佛坐岩幽紛紛香火來求福  
不悟前時是石頭

聚秀閣

清源山遠水流長九日溪山更異常高閣摩雲聚秀氣



禪僧秀氣聚中歲

提船送岩桂

晉堂岩桂晚秋芳濃綠枝頭萬粟黃堂上主人分贈我  
要令燕寢有天香

寄南安鹿宰何字伯奇

予比至延福訪姜相祠則迂于他所問姜相墓則曰  
不知也以語南安宰鹿君越數日南安見訪云祠已  
復舊墓亦得之且修治矣惟秦君亭未葺蔡端明詩  
將與壁俱圯而不知護因寄南安

春秋重復古二賢還舊祠直道不終廢高風宜見思古  
墓出荆榛孤亭起頽隳更將碧紗籠覆護端明詩

貢院圖

陳德溥畫貢院之後  
既成各圖見示因作是詩

陳君少年登甲科紅蓮首泛清源波清源貢字高差我  
同僚宣力陳君多鞭朴不施成不日首夏上梁秋半畢  
一點靈臺輪奐飛十幅生綃畫圖出蒼蒼嘉木森千株  
新堤步步穿芙蓉移下蟾宮古丹桂種飛來海上真蓬  
壺他年君來作地主記得親曾視斤斧雁過山中寄我  
書要知多少新龍虎

去年

去年今日別吾家我鬢蒼然爾未華日俚去年人不見  
鬢毛白盡眼添花

不求人一名如意



牙為指爪木為身撓痒工夫但有神老病不能親把握  
不求人又却求人

興化簿葉思文吾鄉老先生也此公檢見訪既別

寄詩二十八韻次韻以爲

莫年初仕塗暇日但書策儒生餘氣習筆端事揮斥政  
學兩疎繆為章稍沉溺楚東會詩豪酬唱奏金石逢場  
爭出奇遇險或遭厄忽泝三峽流遙經數州驛廬山看  
未足巫峯過尤惜西郊祠卧龍東屯弔詩伯飛飛猶倦  
鳥秋風送歸翮同行得嘉友鏖戰交鋒鏘弛擔白蘋洲  
天日去咫尺忠誼懷魯公霸業悲項籍湖州 吳興 項羽奉詔  
還故鄉齒落肌瘦瘠涕泗拜松楸荒蕪翦荆荆心期樂

田里誓不縮銅墨橐雖無陸金帛幸全趙璧一陛下忽  
誤息泉南又分職入關如入蜀枯腸復負素腰綠病減  
鬪髮為悲添白風仰秦君高節慕姜相直惡語誰流傳  
同僚誤刊刻吾鄉老先生吏事以儒飾新篇似庭燎遠  
寄箴我癖把酒欲細論何時再公傲陽春七十首老豔  
萬又射招邀屈原魂收召子厚魄驚開老病眼喜見墨  
妙蹟顏公倡斯文用夏變夷類世作詩文者多類  
痛華其弊

送陸通判

劇郡元非老手便疾民安我載車賢二年不肯足到邑  
千里寧容吏索錢坐變池塘成貢宇平分風月上吟篇



弟兄不減雲間陸拭目看吾日九迁  
我十年前游會稽堂名民事寓招提去尋神禹歲言元  
歸泝子歎乘興溪萬壑千岩形夢寐十峯雙澗記留題  
鑑湖倘許知章乞首訪故人尊共携

觀郎守題名

春秋美惡不嫌同老子韓非一傳中壁上題名二百董  
卓然名世兩三公

龍根

絕品輕紅掃地無紛紛萬木以龍呼實如益智本非藥  
未比荔支真是奴

金橋

黃柑綠橘未分珍瑣碎登盤輒缺新正可呼為木奴子  
不知誰是鱗金人

清源夫人趙氏挽詞

全節忠臣配崇寧宰相家良能變國俗貴不御欽華學  
佛窮三昧然松教五車遺芳載彤管名壽而俱遐  
我竊清源祿欽聞孟母慈符分三子舍桂擢兩孫枝方  
載黃堂綠俄豐熟帽碑神州嗟未復長抱望夫悲

食薑

採斂人眉性最良藥中功效不尋常吾儕自是生無智  
夫子何曾食徹薑

食芋



我與瓜瓞味最宜南來喜見大樽鷗  
歸與傳取東坡法  
膠玉為羹且療飢

夢二叔

二叔年皆八十餘經年不見久無書  
江山不隔還鄉夢  
昨夜迢迢到佛廬

懷胡侍郎邦衡

今世汲長孺廬陵胡侍郎孤忠一封事  
千載兩剛腸  
晚節逢明主丹心契上蒼  
群兒巧相中直道亦何傷

悼汪舍人養源

撲被周廬日黃緣識偉人  
庚辰湖節因醉辟著志向得  
言伸伯仲同持橐  
名壓縉紳人  
亡邦國瘞可贖百其身

悼張舍人安国

天上張才子少年觀國光  
高名一技桂遺愛六州棠  
出世纔成佛修文遽作郎  
長沙屈賈誼宣室竟淒涼

黃花

溫陵地雖溫十月初黃花  
天然傲霜性炎威莫能加  
不  
迹重陽摘自愛晚節嘉  
宦游胡不歸三徑荒吾家

飛蚊

九月不肅霜十月猶飛蚊  
蚊不知從何來乘昏動成群  
利巧能噉類多非熏青蠅與白鳥  
自古常紛紛

夫子泉

君不見水經品第天下水  
康王谷中泉第一但知取水



不取人品第未容無得夫又不見武昌山中清冷淵名  
因人重逢蘇仙至今入呼作菩薩淪入異教非吾泉刺  
桐城中泮宮裏大成殿下新泉水不須更以品第論混  
混源流自夫子諸生游泳芹藥間日飲一瓢心慕顏聰  
明不數遠公社有山躡社清白大勝卧龍山越州有龍  
正白泉名文聖毓尼丘家闕里泉咏胡為今在是周流天  
下皆美泉浚井得之泉更美我來酌泉仍叩頭遐想洙  
泗三千游世間何處有此水此州無愧名泉州

立高桂坊

書生未折桂短檠事然膏一朝桂入手不記燈窓芳回  
視紙上語弃置等弃髦曲學如公孫高第何足褒溫陵

號多士啾啾食莘蒿臚唱十年間魁亞出二豪向來比  
坊中一門五夢刀月中仙子歸天香滿籃袍大對壓晁  
董同登盡劉曹嘉名換扁榜鈇畫新揮毫我欲成其美  
遠大期伊臯桂高固可喜更看名節高

洛陽橋

北望中原万里遙南來喜見洛陽橋人行跨海金鷲背  
亭壓橫空玉虹腰功不自成因砥柱中砥有患宜預備  
有風潮紹興風與暴雨嘗為蔡公力量真剛者遺愛勝於鄭  
國僑

移庖貢院知宗即席賦詩次韵

預讀嘉賓小雅章銀袍行見鷺成行彬彬周室士升俊



濟濟禹庭言拜昌落筆詞源俱倒水何人肯距獨專場

退詩子時專場李肅清源欲志新人物定有英才副所望

知宗贈金桔報以香橙  
桔以金為重橙因香見奇拜嘉欣孰早報既愧來逢好

慶君須記良天我正思

野詩云南客即修往來好更

誦木瓜詩

梅溪先生後集卷第十九

詩

乞祠不允

字在序

微臣守清源一歲三乞祠俞音竟未拜感荷十聖主慈  
臣家素賤貧仰祿救啼飢區區六年間手把四郡麾道  
途厭奔走囊橐無餘貲清源乃佳郡風俗不待移民淳  
簡獄訟士盛敦書詩地遠可藏拙祿厚足自資今歲又  
豐登千里人熙熙臣豈不願仕求閑欲奚為自憐殘  
生福薄命最奇入境身即病到官日呼醫疾疴每上文  
旋暈勢甚危藥試何止百灼艾無全肌臂疼如子美齒  
落如退之脚患柳州腫髮垂孟郊絲飲食日減少跬步



須扶持殘喘雖尚延定非久速期况臣糟糠妻蓋棺將  
及春旅櫬猶未還兒女晝夜悲臣今官滿考臣去有二  
宜孰謂九重遠天高而听卑吾下君不之告肝膽將誰  
披廟堂二三公誤辱平日知今不憐向隅息復何特施  
顛於黼衮前敷奏迫切詞天日臨在上臣言非敢欺解  
官食祠祿曲遂臣之私幽明俱受賜感極涕泗垂溝壑  
倘未填報國猶有時

次韵陳賀州題姜秦二公祠

○○○姜丞相

姓名端合上麒麟當世那知相是真遺家尚餘封馬鬣  
孤忠曾記犯龍鱗三巴流落知音士謂公九日追陪避

世人精爽不迷祠宇後儼然唐室舊冠巾

○○○秦隱君

去剡游聞避世喧清風寥邈典刑存峯前鳥宿無名樹  
祠下僧敲有月門高尚端如上九疊含章更類六三坤  
偏師勝後詩無敵正要公來與共論詩云安得斯人

薛士昭寄新棋分贈知宗提舶知宗有詩次韵

書後誰題字鄉人遠寄棋驚新思起孝知味戒生貪羅  
帕分猶木金門敵正堪命名聊別偽温棋号在果獨称  
甘蛇果非無言者惟子白雲初盈樹黃金忽滿籃霜  
天欣始孰茅舍飽相諧客重開須請兒癡食更焚柳詩  
吟不厭謝賦讀常耽若客洋难比如拳栗有慙公家安



定法想見日酣酣

知宗棋詩用韵頗險予既和之復取所未用之韵

續賦一首三十韵

書閩揚州貢功觀禹化覃香苞分摘抽秋色動江潭

相賀相金衣爛日綠珠寶碧波涵實于厚詩何人未上諸

侯計曾聞四浩談顏歡陸績母業世李衡男送客愈吟

桂夫詩云送桂州嚴大夫記時坡詠僭羊坡在信耳詩一

提綠時黃洞庭夸浙右温邵冠江南節物清霜重家山綠

蒂含青黃出籬落朱綠摧林嵐詩子厚詩寄林羅朱綠

昔貢千金顆遥馳万里丞每宜開温洲貢甘新宜薦寢

下乃是日字

以作枏字今改

四更方乃

廟香可供瞿曇瘦子那能比羅浮未許參予往在樓府

佳然不及温耳遠甚去冬至泉何人傳黃陸端類列非

州始食罗浮耳又遠下及瘦子何人傳黃陸端類列非

聃在品字為四李直方弟四果實蒙恩或賜三李德俗賦

各三枚臣寺朱桔鄉情寄初孰旅况憶幽樾嘉拜親開合珍歲

淨洗既瓦器則久而不關以行將解印綬滯種當田蚕

根向橫陽覓温其山為最泥尋斥鹵擔醜地其且荒蕪耘

封植伴溪相不用千頭富聊資一餉湛茅空闕杜

开汲蘇耽醫家謂之固老柳子雁行三峡荔奴視四明蟬飲

繼花為譜世歐公作譜應同柳駐驂歐公擬詩攀条禦諭萬

著棘愁凍灌添泔泔米汁也鄉人掩映青雲葉光幸君



定法想見日酣酣

知宗棋詩用韵頗險予既和之復取所未用之韵  
續賦一首三十韵

書閱揚州貢功觀禹化覃香苞分摘抽秋色動江潭

相賀相金衣爛日綠珠實碧波涵瀾子厚詩何人未上諸

侯計曾聞四浩談顏歡陸績母業世李衡男送客愈吟

桂夫詩云送桂州嚴大夫記時坡詠僭東坡在信耳詩一

指綠時洞庭夸浙右温郡冠江南節物清霜重家山綠

蒂含青黃出籬落朱綠耀林嵐詩子厚詩密林耀朱綠

昔貢千金顆遥馳万里丞每宜問温洲貢其新宜薦寢

廟香可供瞿曇瘦子那能比羅浮未許參食黃片在樓

州始食羅浮耳又遠甚去冬至泉何人傳黃陸端類列非

聃在品字為四名直子第四果實蒙恩或賜三李德俗賦

各三枚 鄉情寄初熟旅况憶幽探嘉拜親開合珍歲

淨洗甌瓦器則久而不關以行將解印綬歸種當田蚕

根向橫陽覓將温甘以平陽泥尋斥鹵擔醞地荒蕪耘

徑草封植伴溪相不用千頭富聊資一飽湛茅空闕柱

甫仙并汲蘇耽神仙蘇耽拈住境妙冷蕪閑庭勝詩草

厚詩時柔開庭庭因老柳子雁行三峽荔奴視四明蟬飲

繼花為譜世歐公作譜應同柳駐驂歐公擬詩攀系禦諭萬

著棘愁凍灌添泚泚米汁也鄉人掩映青雲葉光幸君

下乃是日字

以  
心  
心  
心



玉簪釀成浮甕蟻蒸辟蠹書蟬其枯而蒸以毒期存乳以蠟塗其帶番皮欲去痰皮能下氣恨無親可遺松慘白岩庵

林主簿明仲挽詞

齒德尊鄉黨胸中有古今箕裘傳蘊藻臧否判崔林呼佛知仁政名軒見道心扁舟欲訪戴仙去不容尋一箭雙鷗手青衫已白頭硯幾磨鉄盡官止及瓜休漏斷鄞江菱風含曲水愁以吐已釣天記白玉塵世西樓

假館城西日清談屢獲陪江湖倦游宦文字阻街孟方嘆為栖棘俄驚鳳去臺相公與孺人而化雪梅開簷與無復寄

詩來

擬賦江南寄梅花詩

蔚宗居龍首陸凱在江南手折梅花寄人逢驛使堪吳都尋半吐楚岸摘新含雪裏開絕一樓頭弄未三情深殊折柳意重勝題柑溪上千株玉掃歟待自探

十月二十日買菊一株頗佳置于郡齋松竹之間

目為歲寒三友

三百青錢一株菊移置窓前伴松竹鮮鮮正色傲霜性不逐重陽上醜醜誰云既晚何用好端似高人事幽獨南來何以慰淒涼有此歲寒三友足

重修北樓十一月望日與郡僚同登因書十二韻



戎昔未作南諸侯雄丈嘗閱龍虎歐泉山風物得大畧  
善寐先已登茲樓到官正要訪遺迹忽見破屋城牆陬  
欲修不敢遽土木經歲此志方能覓真關之餘材可辦  
農事之隙工乃鳩月達建子飛破鏡酒呼從事來青州  
忽忽未暇衆賓集草草且與同僚游山川城郭忙共郡  
清源紫帽明双眸却驚雲樹在地底坐見日轂經簷頭  
西山端可柱頰視南海未用乘桴浮東瞻歸路興元亮  
北望魏闕心子牟揮毫欲續仲宣賦假日聊以銷吾憂  
諸公和詩復用前韻

敬眠叶詩韓喜疾鋒難與爭  
劔鑄歐鈴齋淺陋無處著  
掛在縹緲之飛樓茲樓久欠詩  
酒味天遣我輩來遐陬

塵埃聊用文字洗瓦礫遂獲瓊瑤屑賓朋未賞合開燕

老病欲登宜杖鳩清風酌別記雲水湖州有清風樓制勝領客

忠雙州雙州樓有一江明月楚東醉饒州有番陽樓楚東

江明月夜全家終日蓬萊遊會稽有蓬萊閣子為幕客嘗挾

終日在樓臺南來不謂有此境四顧亦足窮吾眸朝看日出

閩海嶠夜望斗插泉山頭端如魏郡風月送魏郡

不比巴岳乾坤浮登臨懷古甫白適賦詠聯珠產鞏州

私心竊慕范文正後天下樂先其憂

哭萬先之

太學時名重吾鄉德譽崇才華蓋天祿官職止儒宮相  
國方知愈諸公薦薦雄天漣忽聞訃老淚洒西風



胡邦衡以集英殿修撰知漳州正人起廢有識相  
賀詩以志喜

左右同時兩舍人

陸與初某與邦衡同立

增莫年得郡偶為隣泉山

久著癡頑老漳浦新除正直人熱撰可能翦社節炎州  
聊復屈朱輪拾遺補過須公輩汲黯行歸侍■紫宸■

馮負仲復元官與致仕息澤

誇蓋久自熄果然天聽回孤忠昭聖代遺恨釋泉臺伏

節同元帥

符與師貴負仲與張魏公以死知音有上台賴與今被謫左相力為辨之中三軍氣應壯一洗向時哀

以論列罷三軍嘆息有流涕者

次韻提舶見招

江梅初破一陽天詩句清新欲閔妍呼我同來飲文字  
定扶衰病到尊前

令人生日哭以小詩二十七日

生日今重見細君嗟不回竟孤偕老願忍看舊時梅  
去歲一盃酒遽然生死分兒孫為壽地慟哭不堪聞

知宗生日二十九日

昔年游越絕首識南枝梅一麾守清源再見梅英開顏  
色宛如故風霜不能摧玉質長仙葩芳姿醞詩才其侶  
乃蟠窈其根出蓬萊花開三十年壽薦三千盃

喻外奇采坡詩一聯云今誰主文字公合把旌旄  
為韻作十詩見寄某惧不敢和與以四十韻



婁字應作屢字

昭我事名屢字元  
昭氣事名屢字元

斯文韓歐蘇千載三大老蘇門六君子如籍湜郊島六  
匠具明眼一一徑選文豈曰文乎哉蓋深於斯道諸公  
既九原氣象日衰高山不見泰華水但識行潦詞人巧  
駢麗義理失探討書生蔽時文習義未易藻著述豈無  
人紛紛謾華藻有如分裂時僭偽各城堡同年廣文君  
所作非小好高吟薄風雅古學窮渾灑讀史正豕亥觀  
詩辨形天千篇冰玉清萬字波瀾浩心慕大手筆所恨  
生不早鄉令門及韓不類端可保賞識遇歐坡當為篋  
中寶声名終不掩光豔姑自葆嗟我最不才兀兀首空  
皓半生槐踏黃晚景蓋張早出守婁及衣還家僅嘗稻  
去六月起還嶽田園荒洲明江梅客張鎬塵埃未能脫憂

患苦相惱愁憤卧蚕眉

相者謂予仍如痛徹伏犀腦近

頰何當歸故山已書下下考鍾筆况久閣虛經徒獨抱

古文如金城偏師詎容擣小詩時自遣句法未知造廣

文賢閑舊声氣同濕燥食共朝壘辛紫對夜螢薨策杖

游西湖尋梅挿晴昊番有九十日呼酒羅脯束潯陽三

年別心若風中蠹書來問安温仍効世俗禱手馮十新

詩價重百礫磁情意何勤勤許與太草草那能把旌旄

但可供洒掃胡為以西子国色沉嫋媪前言蓋戲耳細

讀笑絕倒却將寄來詩錄附雅戲縈叔奇筆作雅戲集

題徐致政菊坡畵名壽仁字子由

南方有高士仁義偃王商家山闢幽坡手取香草孰哉



至有黃華采采滿衣袂客來酒盈尊詩出語驚世無心  
學淵明偶與淵明契靜者年自長頽齡不須制高標  
獨樂地遠入罕詣丹青寫佳境有目皆可睨吾家鮮  
從荒蕪屢經歲儒冠誤此身掛之公得計

次韵吴明可見寄

閩楚相望天一涯思公不見見公詩遙知人在楚香霞  
正是梅逢朔使時熱帽清源將已倦落霞欲鷺者無期  
它年杖屨天台去采桑尋苑薦壽卮

沈敦謨和詩見寄復用元韵

天使吾儕復會同笑談聲落酒筵中語離江北秋正杪  
回首閩南歲又窮春草池邊來好句木奴皮裏隱仙翁

騎驢相將再上觀潮閣我已三章乞道宮

曹夢良教授寄棋一百顆報以乾荔支毆成二絕

故人書自許峯來領得黃棋手自開未滿洞庭三百顆

更看郵使一枝梅

絕品知君尚未嘗三山絳帳喜相將冷官豈是濼賢地  
尤物聊觀十八娘

懷夢齡昌齡弟

又別思吾弟它鄉歲又除日吟棠棣句目斷雁行言老  
去情尤惡懷婦語似虛祠章已三上試為掃茅廬

臘月二十八日與知宗提舉分歲郡中啜茶于北

樓賞梅于忠獻堂知宗即席有詩次韵并簡同提舉



子有誤

云乃以

老病踰年卧晋江鮑詩性癖未能降園林牢落梅經眼  
歲月崢嶸酒滿缸堂上焚香敬勲德樓頭回首念家鄉  
黃草未拜蕭嵩賜鄉味分珍謾一雙時得一雙

曾潮州到郡未幾首修韓文公廟次建貢闈可謂  
知化本矣某因讀韓公別趙子詩用韵以寄

韓公學孔子不陋九夷居詆佛譏君王道大忠有餘南  
廷八千里文墨以自娛至今潮陽人比屋皆詩書蓬茨  
得趙子如獲滄海珠臨行贈以言恨不與之俱德云昌  
黎公聖人之徒與比周孔孟軻不道廷相如韓公不可  
見趙子今亦無潮人敬愛公百世祀不渝英姿入山骨  
凜凜蒼眉鬚彼孔逢古鑄金章裏後祖使君藝且賢所

至政績殊下卓首風教廟修庭草除又聞新棘闈輪奐  
掃畫圖繼坡當有作大筆文辭驅惡詩願勿刻人方笑  
其愚潮州書云欲刊某和韓詩

送柯教授赴官四明

士論鄉評總見欽古猶難得况于今恥干一介將行李  
慨為孤甥蓋橐金晉水生徒懷絳帳賢閑故舊仰同襟  
冷官豈是淹徊地未到郵江有召音教授赴官不借一  
兵差囊橐

寄崔肅之

懷州別駕生賢丁盤谷先生有外甥暫屈才能居莞庫  
會看騰翥繼家聲



燭花

郡舍擁爐坐燭開連夜花主人無喜事應是報还家

次韵表林賈元範見寄二首

華表飛來鶴姓丁鹿岩依舊故山青正緣松菊留仙隱

騏驎國祠理宵為弓車到郡廳王嘉瑞守永德者能言書

有力仁人自壽藥非灵公平日不厭坐看世事公應笑

落水楊花万點萍

記得公婦自汴京瞭然目為小生青行能致遠由推轂

到郎成渠荷建瓴松柏歲寒知節操芝蘭室迹化芬馨

白圭三復成陳迹感德傷懷涕泗零謀受知於公妻以

感故去

人日喜晴

元日至人日幸無陰晦詩因思董勛問却異少陵詩遙

想水披凍坐看梅滿枝明朝如得雨正與谷相宜

元宵貢院張燈會客知宗郎席賦詩次韵

欲送群英入帝鄉預燒燈燭趣仙裝銀花初合万枝火

金榜已含千佛光出海灵鼈駕蓬島逐人明月散天香

笙歌鼎沸吟篇出元白於詩規未昌是云無即席和者

送丁惠安

某假守温陵獲觀七邑之政治行可稱者三四人然

未有出惠安之若者以嚴明為治而濟以廉平以撫

字為心催科不擾而辦每至郡必講論民間利病田

集作右字今改

時誤詩改正  
穀者谷改正



落海而稅不除官鬻蓋而民受害凡此類郡皆行之  
民無訟牒狂獄屢空是宜邑人懷德繪像而祠之也  
於其行也詩以送之

把麾平海看操刀惟我鄉人治最高但見武城人易使  
不同梁竦取徒勞民懷其愛祠生立吏必如公責始逃  
聞說朝廷考臧否僉言卓茂德宜褒

知宗示提舶贈新茶詩某未及和偶建守送到小  
春分四餅因次其韵

建安分送建溪春驚起松堂午夢人盧老書中絕見面  
范公碾畔忽飛塵十篇北苑詩無敵兩腋清風思有神  
日鑄卧龍非不美賢如張禹想非真破詩其間絕吳非  
不徒詩其間絕吳非

骨鯁謂茶草也

知宗贈驢肉以脯肉鼎之

不駿於乘合見享輔文不駿於鈴丞指動荷分羨區區

脯肉非相報正恐公為孔子行

次韵贈新筍

候屆中和日漸長籜龍忽到愛松堂便驚詩句含蔬味  
更竟庖厨有細香未季坡公參玉板且同韓子賦貧簞  
荀束茶徃非為礼端為詩情故得嘗

曾潮州萬頃增闢貢院以元夕落成寄詩次韵

韓公来自九重天再見潮陽吏部賢万頃增闢為唾手渠

渠畫夏屋揮毫混混馮源泉丹青有月逢三五 聖世



生才協半千太守落成應有語  
立朝名節看儒先謂士尚書

題並玉堂

同年李伯時教授居泉之北門  
需次家食奉親有堂前對明山  
名曰並玉索詩為賦十韵

山李門闌秀氣鍾二山朋盍玉  
為容晉人蕭洒坐連壁

杜老風流吟兩峯崑府烟霞浮  
几席藍田丘壑蘊心宵

俯客列岫葭相倚遙許它山石  
可攻光徹郡城翔白鷺

將一穀供疑是機衡臨處落端  
如日月合時逢主賓對

面成三友伯仲摩雲拱九重  
李有唯弟雁蕩浪跨鷺有

跨應作誇

侶雁蕩山有巖樓徒詫刻相從  
嶽山有以刻綵衣戲罷

看山色不似慈顛喜氣農

出郊勸農飯蔬于法石僧舍時  
方閉雨有無麥之

憂因成八絕

清源太守鬢如蓬未遂歸農又  
勸農農事正興天不雨

誰能喚起老黃龍郡城之西有黃龍江

二麥青黃雨失時老農相顧但  
嗟坎使君徒用虛文勸

稼穡艰难未必知

我昔躬耕隴畝間也知農事最  
艰难才疎政拙心勞甚

無補於民合掛冠

賣刀買犢慕龔遂重穀務農思  
魚魯信僚文共懷憂國願

吹應作啓



守臣非敏戢田眉

丘瞻詩敏却眉頭憂旱涉一心只在

無術能銷旱魃灾吁嗟求雨只空回鯀生豈是為霖手

明日真人出洞來晉紅請蔡真人

萬歲名山兩度來精庐蕭洒絕塵埃禪師妙得兵家策

杖屨飄然去不回謂長老勤師

荔子今亡法石白

法石白見君江山長帶佛頭青老僧

能說陳王事遺家猶傳女子灵

陳王女垂法石僧云時

一徑通幽亭面墻烏啼林靜木蒼蒼碍人眼界宜斤斧

放出山光接海光

食筍蕨葉飛鄉見贈作羹其美因成是詩

犢角兒拳共作羹大勝五品八珍亨要須掃陟南山采

更看新移小竹生

詩有陟被南山采句嚴

### 悼陳提刑

耆舊嗟零落南來識太立有年兼有德無恙亦無求公

蓋司府守未嘗按史清室遺風在新橋雅志酬誰知灯

大散身世隔明函元文貞院張灯公為上客後十日而

### 聞胡邦衡改知泉州復用前韵

上念温陵為擇人知公名節世無隣犯顏合在論思地

起廢聊為岳牧臣繆政居前誚穉批剛腸別久轉車輪

天教我輩簪重蓋只恐留中拱帝宸

### 次韵何興化德揚閔雨



英惑照南紀千里生塵埃守臣失其職閔雨腸空摧奔  
走佞涕老吁嗟禱風雷燦石勢愈熾望霓心可哀民情  
有愁恨天意那能回緬懷端明公豈薄德與才乞雨問  
山神胡為亦遲徊鄰邦賢使君道妙截灵臺不待雨催  
詩却以詩篇催佇聽寫精壯遙期銜賀孟政理陰陽和  
誠加金石開餘波必及我飄洒桐城隈兩郡祠青青年  
豐稔崔嵬普天望作霖公盍歸乎來

喜雨再用前韵

南国久無雨渴心欲生埃麥既枯且死木亦黃而摧方  
春雲已火未夏蚊成雷刺使固有罪斯民自宜哀真人  
及人士久出應思回閉陽縱諸陰愧無董生才沐鴻厭

呼喚石燕徒低徊有日上扶桑無雲起陽臺方修九洲  
祀初執龍遽聞尺木催想驚阿香夢疑喚栾巴盃夜中  
簪溜響枕上愁顏開類徧普天下不止泉山隈莫作昂  
湖浪因風下崔嵬明朝賀雨詩定自莆中来唐人賦仙  
都詩黃帝

次韵龔實之正言見寄

堂堂人物剋清流不減當年宋廣州持節分符聊尔耳  
直尋枉尺断還不初開宣室漢思賈欲復侵疆魯召立  
懸頓乾坤趁頭黑早頰婦伴赤松遊

諒坡烏府迹相望眼底何曾識六郎去国雅欽龔勝節  
得州欣近鄭公鄉尺書遠荷鴻傳至好句惟憂電取將



不見紫芝人已說天庭喜氣十子黃

出郊逐客至石塔院憇劉公亭觀石筍橋東望郡

城南瞻紫帽郎事有作

春日西郊外江亭眼界嘉青桐映樓閣紫帽沒烟霞雨  
道平耕野潮回鷺立沙河梁阻携手空起逝川嗟

用喜雨韻呈龔實之

請雨偏群望擾擾衝塵埃際天麥浪空刺水秧針摧已

近尺五天未動滿盈雷地欲赤晉國年將饑魯哀寄牋

叩天門好音清夜回似傳上帝意頗亦憐不才披衣起

視月在畢方徘徊忽聳蕭蕭声高洒熙熙臺郡圃旧有熙熙臺見

晴隱志云雲陣灑墨暗電光搖幟惟丁前落簷花欣

街少陵盃綠波滿四澤范柳村村開知有一尺霖來從

傳岩隈微在書商霖一尺四字賜張無不作天寶詞淋

零悲馬嵬定有元和詩中街諫書來

石筍橋

清源郡城之西有渡名石筍溪與江會險而深涉者

病之初浮木為梁屢修屢壞議更以石費重而後艰

時提刑陳君慨然為之倡弟賀州叶其謀今樞密梁

公力助之經始於紹興庚辰訖工於乾道己丑提刑

屢約予觀未果明年春三月辛酉逐客出郊過而壯

之因記以詩

刺桐為城石為筍万壑西來流不盡黃龍窟宅占上落

有缺有訛



呼吸風濤勢湍緊怒潮拍岸鳴霹靂淫潦滔天沒畦畝  
行人欲渡無翼飛魚腹蛟涎吁可閔二三大士為時出  
目覩狂瀾心不忍小試開居濟川手遠水孤舟冠志懸  
亦有山僧願力深勸教等鮮使邦人指倉困五丁挽  
石投浩渺乃指砾山登嶷嶸辛勤填海效精衛突兀橫  
空飛海蜃趾千千尺鮫入室護以兩旁獅子楯南這百  
粵比三吳擔負與首走駭北論功不減商舟楫遺利宜  
書漢平準莫將風月比揚州二十四橋真蠢蠢我時出  
郊春雨後鷺點沙汀颺鷹隼江亭矯首獨遐觀有客南  
來盃共引是日也亭欲詠河梁擬蘇李頗類鑑湖逢  
積江山不賢太守袖手况吟竟才窘况無鉄

端明徒使時人笑蚯蚓綉衣晏約吾來遊未遂堪嗟德  
星隕鄉來嘗以記屬我固避牢辭慙不敏傳聞江欲飛  
棟初異論紛紜互矛盾世無剛者橋豈成名與萬安同  
不浪

林黃中少卿出守吳興為因噐司業以詩送之  
有今日桐城王刺史異時遺愛在吾州句用韻  
寄二公

出處平時正且嚴猶於衣李謹疑嫌兩溪水照新明月  
郡有明六客堂逢舊紫髯蘇詩以讚須蘇守吳興  
中亦美安定化應享李校謝公思已結聞闔湖山清遠  
使君好想見邦人慰所瞻



賢闈今日陽司業家在白蘋溪上州  
笔下波瀾含震澤  
曾中意氣屬清流  
弁山疊拜南金贈  
泉嶺遠家明月長  
老矣惟公獨青眼  
一言褒借勝封侯

題蔣元肅蘊仁堂

人孰無父母圖報良亦難  
忽興風樹悲莫及  
菽水歡君羨不易  
嘗而况榮以官  
向來蔣令君堂乃宰德慶具頌  
方丹手折東堂桂  
口詠南陔蘭生封  
拜君命感彩慈顏  
溫教之由義方蘊  
之在仁端仁熟椿  
亦老親榮心始安  
堂在人事非思親  
誠益殫已足廣文  
飯方殫貢公冠顛  
移前日孝要作忠  
臣者  
梅溪先生後集卷第十九

梅溪先生後集卷第二十

詩

李伯時贈英石

英石來後並玉堂  
鈴竺儿案聳鋒鏘  
平生性有好山癖  
袖得高峯歸故鄉

送潛老赴東禪

駐錫清源十五年  
月明臺靜忽飄然  
禪心莫為東禪起  
南北東西總是禪  
唯弟唯兄漢二龔  
袈裟縫掖各清風  
淵明已遂歸田願  
蓮社行將訪遠公

陳提刑挽詞



我守桐城公奉祠登堂猶恨識公遲心勞撫字陽司業  
獄喜平反雋不疑頭白不忘文字樂室清宜作子孫規  
襟華玉潤皆文傑潛德幽光發妙詞

送陳元龍赴封州教官

溫陵尊酒偶相逢記得同年舊日容書讀短檠游太孛  
經傳絳帳適臨封清新得句腸生錦瘦硬通神筆吐鋒  
莫向炎州嘆官冷行看湖海起元龍

提舶生日

正陽之月慝不作氣候清和滿寥廓階餘嘉瑞十莢其  
璫出新梢半含籜正是生才好時節化日舒長暑猶薄  
遙遙華胄馬服君世有功勳上臺閣漢云臺唐凌烟皆有馬氏象耳

孫挺秀生東蜀骨相堂堂人磊落絳帳心潛南郡風銅  
柱家傳伏波畧致身朝列貳稷官銜命江東訪民瘼雍  
容敷奏一天顏喜小試舶臺良不惡北風航海南風回  
遠物來輸商賈樂日邊知己皆達官行矣婦持紼荷蒙  
平生德性不好飲今日壽觴宜滿酌爛柯仙侶年自長  
不用西山一圓藥

得葉飛卿書因寄貢院碑

八字誰文照眼明親題一軸寄松廳千間廣厦能宣力  
何止區區不負丞貢院之役飛卿子陳節推董之

萬桂堂

佛國新開選佛場蟾宮分桂十千章邦人種德家家熟



仙籍題名葉葉香地占清光一輪滿門傳盛事五枝芳  
東堂万万高攀手莫負君恩與義方

表第万大年宿郡魚為鼠蚊蚤所苦夜不安寢  
目為三害其輒申造物之意諭之以詩

萬子游清源頗愛風物好胡為官舍中害有蚊鼠蚤啣  
衣恣掀翻聒耳倦揮掃跳蟲從何來出沒席與橐中夜  
不安寢披衣起呼息禽鼠磔其尸驅蚊熏以草熾炭烘  
衾稠蟻虱亦俱薨三害稍稍除高眠起志早我時寢凝  
香清夢到穹昊仙官為我言必大有家寶乃翁多隱德  
子籍在蓬島天將成就之故以此相惱要令坐達旦万  
卷飽探討毋如老外兄不孝首空皓彼蟲類鼠多生育  
自洪造尽殺則傷仁兼容幸寬抱萬子眷我言往往笑  
絕倒潘戶相參元夫馬福塞老宴安生禍毒疾患貴壽  
考三害不必除君言近乎道

薦新荔支

晚年游宦到夔州四見輕紅荔子新不似蒲萄結三素  
向來猶及遺慈親

大言獨步郡圃即事有作次韵

厭聽桐城雨頻瞻雁蕩雲它鄉見子面好句張吾軍

木心知敬

大年每稱賞

素榆景未曛淹留不須嘆

偶同群

早起



老欲投閑尚未成  
膠膠擾擾厭餘生  
方成挑上將山  
忽听窓前喚起声

刺桐花

初見枝頭万綠濃  
忽驚火傘欲燒空  
花先苞後李果熟  
莫遣時人不愛紅  
丁謂詩只愛青青不愛紅

大年游延福寺

去歲曾遊九日山  
忽忽不暇足躋攀  
煩君訪我不到家  
好把詩篇載取還

提舶贈王友六言詩次韵以酬

重見異鄉佳節又成終  
日清坐  
丙歲重午為不欲  
忽捧晉堂双

玉引觴洗破愁懷

兢渡爭飛各舫賜衣絲  
集丹墀奉笔不忘規  
諫玉堂誰

進歐詩無歐陽公端午快子詩云楚國因詩逐屈原終身

也言不宗日奉笔不怠規諫真得從臣

覓百葉榴花

玉友双瓶不惡錦囊六字尤清更  
覓榴花百葉要令老  
眼增明

寄陳大諫良翰

公居言路望非輕  
天下人皆側耳聽  
方欲携書責易子  
忽葦有疏論延齡  
危言已落奸邪膽  
正色著清眉  
天聽未回須力爭  
從茲受責亦芬馨

天申節放生



夫子釣不綱仁心戒盡物君子遠庖厨孟子論仁術生  
魚舍子產馱網祝天乙於初文王沼灵德壽周室壽豈  
放生池天下八十一至今湖州碑輝耀魯公筆哉宋  
仁如天神武而不殺華夏及蠻貊如胎暨此温宮壽好  
生德惟恐一物失清源跪佛国比典胡獨决晚苑舉子  
場發發荷華隰誕節逢千秋場宴遍郡邑何以壽吾  
君故事修遺逸魚鼈族至微端賴尺水活允茲十赴池  
中含千里闊郭索行草泥玄夫巢蓮葉長鬚及衆鱗巨  
細各儔匹圍圉復洋洋生意俱可必永迹教吾夏成被  
中孚吉中有六六魚聊茲友蟻蛭一朝得雲雨龍門變  
允質歲早當作霖莫忘池中日

送知宗奉祠還越

堂堂人物宋宗英來主金枝玉葉盟麟趾化成功疾厚  
棟華詩作爭心平金尊對客吟篇逸貝葉談空世味輕  
五月仙舟鑑湖去芰荷香裏奏新声  
綠水芙蓉汎鎮東一觴一詠辱陪公轉頭十載已陳迹  
會面二山俱秃翁舊隱重尋賀監宅歸帆遙借若邪風  
九重側席待宗老頌履倦倦劉向忠

愛松堂納涼

鈴魚苦炎熱松竹生晚涼颯然清我襟兀坐興味長我  
無桑下戀愛此獨不忘願言勿翦伐清除常滿堂

郡魚夜坐聞水車声



風伯吹雲不成雨，稼穡如焚誰守土。鈴索夜聞水車聲，  
遙想田間老農苦。汗流氣喘飢眼花，厭聞雷中鼉打衙。  
妻兒相勞勿愁嘆，多少高田無水車。  
天二欲警老刺史，車声夜入疑香耳。四郊苗槁農民悲，  
万壑水乾魚鼈死。守臣失職政事荒，誰遣連年坐黃堂。  
自慚不及段文昌，聖世豈有乘洪羊。

末利花

日莫園人獻寶珠，化成千億小芙蓉。使君燕寢無沉麝，  
疑此清香自有餘。

次韵傅教授景仁馬綠荔支

玉座奇包未與頽，伏波家果忽堆盤。且書燕譜均稱綠，

不比韓詩止詠丹。薦李徒誇碧實脆，嚼瓜未覓水晶寒。  
羨君衫鬢巧相似，我坐郡廳慚素飡。泉州厅事号荔枝

再次韵

兩載閩南白盡頽，薦者異品上杯盤。發緘初訝囊非絳，  
擘實猶疑頽未丹。較美宜同法石白，俛先欲占麥秋黃。

荔枝詞云五嶺荔枝秋寒荔荔初稍早廣文詩句篇篇好，咀嚼令人

欲廢飡

三次韵

荔子新詩屢見頽，端同玉局賦金盤。披詞玉座金盤不

香包盡帶賜袍綠，孰顯半含仙灶丹。西蜀稍多應喜遠，

綠荔支多東嘉可種似宜寒其不加無荔支有種而生者是



微酸好入盞梅品莫作尋常果

盤誤盃謹改

下四首同

同馬乳堆盃色因不惡故名酒

食可成仙何用丹迢迢故江相上下比方魁紫稍孤寒  
殷勤百願分其意端為詩情合得食

五次韵

涪陵妃子謾名園豈似閩南綠一盆  
窮喜色同青玉案不妨功並紫金丹  
盃看紅紫品流俗詩嚼冰霜牙頰寒  
吟罷閑觀右軍帖來禽青李可同餐

六次韵

年少題詩入否園橫空硬語勝郊盆  
新吟陳紫并江綠

深逼蕉黃與荔丹官舍聊淹廣文冷  
雁行高並玉峯寒黃堂病守相將去  
秋菊落英誰共餐

七次韵

平生雅意在丘園行矣歸尋隱者盆  
此日詩盟共君結明年荔子為誰丹  
欲移仙種栽中土只恐天資不耐寒  
定向家鄉想風味江瑤斫桂謾加餐

得雨復用聞水車韵

蛇骨木龍憂不雨更喚兩牛眠下土

農家以架車者為眠牛永從

地底飛上田不減在天行雨苦庭中忽見天  
雨花白衣直入游郡衙但願為霖莫為潦  
免使泥陷羸牛車亢旱踰時如魯史一雨已  
逢淹爾耳農猶滿望苗返魂

兩首不得合盃



微酸好入盞梅品莫作尋常果

四次韵

秦譜黃詩久已頌不同馬乳堆盆色因不惡故名酒  
食可成仙何用丹追逐故江相上下比方魁紫稍孤寒  
殷勤百顆分其意端為詩情合得食

五次韵

涪陵妃子謾名園豈似閩南綠一盆  
窈喜色同青玉案不妨功並紫金丹  
昼看紅紫品流俗詩嚼冰霜牙頰寒  
吟罷閑觀古軍帖來禽青李可同餐

六次韵

年少題詩入否園橫空硬語勝郊盆  
新吟陳紫并江綠

深逼蕉黃與荔丹官舍聊淹廣文冷  
雁行高並玉峯寒黃堂病守相將去  
秋菊落英誰共餐

七次韵

平生雅意在丘園行矣歸尋隱者盆  
此日詩盟共君結明年荔子為誰丹  
欲移仙種栽中土只恐天資不耐寒  
定向家鄉想風味江瑤斫桂謾加餐

得雨復用聞水車韵

蛻骨木龍憂不雨更喚兩牛眠下土

農家以架車者為眠牛永從

地底飛上田不減在天行雨苦庭中忽見天  
雨花白衣直入游郡衙但願為霖莫為潦  
免使泥陷羸牛車亢旱踰時如魯史一雨已  
逢淹爾耳農猶滿望苗返魂

兩首不許合為



車亦收声魚免死我持酒戒不敢荒急呼一盃飲松堂  
不憂猖獗有巢昌只恐沈猶朝飲羊

吳宗教惠西施舌戲成三絕

吳王無處可招魂惟有西施舌尚存曾共君王醉長夜  
至今猶得奉芳尊

博物延陵有令孫不因官冷作儒酸珍庖自有西施舌  
風味堪陪北海尊

長記還家屢擊鮮南來歸興日飄然不緣樽俎逢西子  
始返江湖范蠡舡

貢院食新荔觀雙蓮因成六言

兩郡兩逢新荔予在夔州三年三結雙蓮貢院三池

開年三酒盞莫辭在手異時同把無緣

分韵得兩字

官舍苦炎熱貢闈快虛敞急呼玉友生閑共同僚賞堂  
成桂植万堤就池分兩蓮開花並蒂荔擘味在掌詩句  
聽細論塵襟發清爽行矣北歸翁山林起遙想

雲榭納涼

人間正炎熱雲榭獨清凉如欲慰黎庶諸君宜奉揚

分韵得宜字

榭向雲間築風從天半吹談方以清飽襟更為涼披帷  
入蘭臺賦微生殿閣詩倚欄觀出岫吾去亦誠宜

罷官迷懷



去矣清源守。嗚然雪滿頭。居官無善政。排悶有詩為。朋  
盞三盃酒。公餘一覺眠。泉人豈思我。我意自思泉。

出州宅 閏五月二十日

官居到處郵傳歲月驚人電。飛凋悵同來德耀故鄉不  
與同歸。

### 寓清源驛

兩年繆作清源守。不到清源洞裏游。天恐孤予遠來意  
驛中聊許少遲留。

### 諸公餞別分韻得人字

清源古名郡。守土宜擇人。胡為不才者。兩載乘朱輪。政  
拙歲多旱。民愁眉日顰。賴茲淳厚俗。容我老病身。乞祠

竟不允。易郡俄得鄰。雅懷上冢頤。偶有還鄉因。賓僚共  
呼酒看。救嘉且新展。餞選士場語。離真伏良清。風髮吹  
衣暑雨微。洒塵驪駒沸。盈門鸚鵡飛。入唇我亦重惜別。  
不辭勸酬煩。諸君如神魚。行奮六六鱗。李士倍登瀛。郡  
符同治秦。我如倦蜚鳥。野性難籠馴。舊巢尋故山。一技  
老荆榛。官居類郵傳。誰能久相親。但願各勉力。相期作  
純臣。

### 枕上聳雨聲

枕上微聞點滴聲。皇天有意抹蒼苔。坐雖未作商家雨  
已竟炎方暑氣清。

### 聞角聲



角声已作送行声更向萧萧雨後聽  
明日出郊聞更遠  
回頭忽見二山青

復安靜堂舊額

端明之孫字子強銀鈞鐵畫傳遺芳  
昔年作郡古平海  
大筆親書安靜堂自從宣和至  
軋道字與輪奐爭光芒  
一朝忽遭俗眼白毀滅名姓深埋藏  
我來搜訪又乃獲  
老兵據為寢處牀滌除五載塵土面  
字向堂上增歲早  
祖為第一孫是似書有家法稱莆陽  
体具万矣頰雄壯  
榜與忠獻同翔翔因知文字乃至寶  
一時之兀庸何傷  
石鼓文有鬼神護淮西碑並日月光  
豈容泯滅暴秦火  
誰肯贈炙段文昌書生作郡太迂闊  
理財聽訟俱非長

會誤槍謹改

吾君若問何以治堂復  
韓蔡祠秦姜今纔五日京兆  
耳眷北陳迹猶未忘但願茲堂日  
安靜名與國壽俱  
無疆

次蔣元雨韻

酒盃三十六人街勸我  
殷勤不止三長記白蘋離浙石  
忍看舟荔別泉南自慚政似陽城拙  
那得業如召伯耳  
見說廣文尤惜別好詩千里送  
扁駝

贈李宜之運幹

謫仙苗裔自非凡家李端能嗣大參  
一見便知空冀北  
三年長嘆滯周南  
鉅之家絕哇翰墨僕騷可請試  
言詞  
倚馬堪莫道南來橐無寶一編傳得小雲龕



記風聞五月二十六日

泉南固多風茲風大為最初驚月有暈忽聽天鳴籟蓬  
蓬從何來烈烈不可奈万竅爭怒號三光變冥昧翻  
敗墻壁摧折到松檜瓦飄上天半茅捲洒郊外稻吹垂  
實花累墜未熟蒂山川失故容草木遭厄會飛同鷄過  
宋悲異兒歌沛孰云楚臺雄未覺周郊大雖然不終朝  
無乃已被害嗟予垂素髮溫此張阜盖方憂西疇禾未  
問南海具時蕃相持回心如韓值颯卜効蘇命蔡焚香  
叩穹昊防患問耆艾稍稍雲色定徐徐雨声霈漸停箕  
簸揚會見氣交泰居民理破屋老守戒征旆五絃歌舜  
琴一絲詠嚴瀨去矣不待瓜歸坎及鱸鱠

作贈謹改

蔡端明祠堂

公昔自禁從身來臨此邦河梁一何壯筆力独能扛歐  
績留南紀祠堂枕大江山川與人物今古兩無双

別傅教授景仁

鼻祖調羹佐有商耳孫家業踵前芳万言書有塩梅味  
下首詩開錦綉腸絳帳詎容淹又次制科端欲待非常  
歸囊剩有君佳句更獲珠璣四十章

贈陳教授正仲謙

益友平生所忽親南來深喜得斯人淵源師杜真知体  
正仲贈予詩云淵源師老杜体人物如平豈久貧終帳  
制隨西崑而正仲詩殊有杜体可能淹教育掖垣便合掌絲綸臨行贈我五百字焚壁



隋珠未足珍

挽令人

糟糠情味飽相諧我事耕耘爾力蚕誤走迷途半天下  
忽驚魂夢斷泉南二年旅櫬悲無奈千里途車涕不堪  
預卜黃華晚秋節佳城歸祔白岩庵

贈陳本仁

我來守清原德星識二陳大陳如金玉一室清無塵厭  
世不肯留至今里稱仁儒先賀州守才氣超等倫曾中  
包古今筆下真有神唾手取甲科齒髮方青春声名滿  
天下文字驚縉紳勞人暫州縣平步當要津蹉跎忽至  
今此志猶未伸真人奉香火蕭寺含悲辛講席延諸主

黃卷詞古人異端斥佛老吾道鳴孟荀聊藉束脩礼少  
資囊橐貧我忝二千石二年牧斯民不能助玉川恥與  
韓公均贈我詩與文字字字皆可珍寵褒恨太過感激難  
具論願公少自愛行矣當致身門下有高第在堂手經  
綸房魏方得君詎肯忘河汾

贈林尉致約

紅顏白面神仙吏好李苦吟真我徒政事文章有家法  
它年呼作小龍島

臨行至貢院觀桂贈致約

竊祿清源愧不才貢闈臨去尚徘徊青青万本新移桂  
尽是梅仙手為栽



宿寂光院

青山環繞如盤谷中有清幽佛子家人昔共來今不見  
數行老淚濕烟霞

陳德溥以百韵詩送別因贈一絕

蓮幕游從一二年送行越境繼前賢陳德溥常陳德溥山筆  
頭皆有珠千顆端似少陵夔府篇

越境送別者七人蔣元肅黃少度鹿伯可趙元  
序陳德溥葉飛卿林致約少酌驛舍

同僚送我楓庭驛共酌臨分酒一杯我念泉人仍惜別  
此身雖去首頻回

別蔣元肅

符竹南來識廣文經橫講席見淵源凌雲詞賦勝三賦  
醫國忠言壓萬言元肅賦陳述互將文字記交情更  
向別離論君方騰翊吾衰矣名節相期百世存

題莆田林氏雙闕

唐室遙遙孝義門屹然雙闕至今存當時泣尽思親血  
化作恩波遺子孫

過頭陀九嶺宿天玉樓林二招提因成三絕

凌晨飽飯渡秦溪秦溪要上青山九級梯不使甌閩

隔人世頭陀力與五丁齊

千里扁塗險更長眼中深喜見天王從今漸入平安境

舊路艰辛未敢忘



我如倦鳥欲栖林喜見禪僧棲處深家在梅花小溪上  
一枝聊慰北歸心

宿五峯院

万法由来摠是空五峯名在本無峯我來遙作廬山想

逢字誤遲謹改

廬州正公詩云五峯亭望見廬山峯也

贈亮首坐

雪頂危眉八十餘五峯深處結精廬閱人老眼能青白

贈我嚴公一軸書

王成之太博寄詩病中未能和謾書二十字以酬

老病欲納綠君恩許奉祠已為三徑計誤奪廣文詩

司理叔文和過万橋詩復用前韵

少年一夕九起嗟家負親老無生涯河東先生獨青眼

慨然許我修通家三十年間同轉首王謝依然作甥舅

時人咸笑孺子貧杜老惟蒙丈人厚罷官聞嶠初歸來

登堂又荷傾金壘詩誦白圭感前事情鍾我輩銜餘哀

定向清朝力求退呼賓刺設嚴冬鱸從公杖屨鹿岩前

明月清風趙歐會

挽令人

知汝莫如我傷心不尽談忍貧猶好施見得可魯負承

陸同艰險糟糠共苦甘和鳴三十載一夢斷閩南

之子有賢外鯁生誤受知恩蒙夫子妻事類白圭詩黃

卷悲吟夜青灯照續時竟孤僧隱頭徒切悼亡思



我如倦鳥欲栖林喜見禪僧棲處深家在梅花小溪上  
一枝聊慰北歸心

宿五峯院

万法由来总是空五峯名在本無峯我来遥作廬山想

隱約夕陽開處遲

巖州正公詩云五峯亭望見廬山峯也

贈亮首坐

雪頂危眉八十餘五峯深處結精廬閱人老眼能青白

贈我嚴公一軸書

王成之太博寄詩病中未能和謾書二十字以酬

老病欲納綠君恩許奉祠已為三徑計誤辱廣文詩

司理叔文和過万橋詩復用前韵

少年一夕九起嗟家貧親老無生涯河東先生獨青眼  
慨然許我修通家三十年間同轉首王謝依然作甥舅  
時人咸笑孺子負杜老惟蒙丈人厚罷官聞嶠初歸來  
登堂又荷傾金壘詩誦白圭感前事情鍾我輩銜餘哀  
定向清朝力求退呼賓刺設嚴冬鱸從公杖屨鹿岩前  
明月清風趙歐會

挽令人

知汝莫如我傷心不尽談忍貧猶好施見得可魯負承  
陸同艰險糟糠共苦甘和鳴三十載一夢斷閩南  
之子有賢姊鯁生誤受知恩蒙夫子妻事類白圭詩黃  
卷悲吟夜青灯照續時竟孤借隱願徒切悼亡思



我欲誌諸墓有言何敢私如實最相敬無妬似知詩孝  
合從姑壙賢宜舉郡悲明朝是重九恣看菊花枝

梅溪草堂新闢缺少花木効少陵故事覓之以

詩

小小園中十八香主人游宦遂荒涼名園草木多奇品  
分我餘根種草堂

閑中那得買花錢孤負飛紅李白天拈出向來花疏目  
招邀春色上詩篇

夢齡弟生日十一月二十二日

周正猶餘八莢萸昂星下應一陽生貌和冬嶺松俱秀  
神與梅花溪共清定享百齡如衛武預開三徑李淵明

十一月  
二十日  
作大  
自

弟兄此去皆華髮無惜更相薦壽觥

可公禪老住泉之九日山二十年矣予臨罷官  
求去甚力復為後政所留寄詩訓以一絕

泉山好處稍延福白髮禪僧去復回且與晉松為隱侶  
莫同英石便飛來可以英石見寄号飛來峯

黃伯厚得蒲墨折而為三以書來易戲成一絕  
不謂一子墨忽成三客鄉君家好兄弟昂立並馳名  
好去文房寶堅剛宜自持吾家藏有尺黃子翫無時

姚宰行可和詩索墨訓以元韵

武城民事暇著述以虞卿手握陳玄筆磨成不朽名  
人生幾九墨老病厭操持好與賢明宰研磨共寂時



松筆

我有文房寶莫如毛穎清來從丹桂窟封以五天城  
行惟形管宗盟是墨卿湘東謾三品無此歲寒名

題淨名院二絕

淨名却見老維磨

彌張公

老道眼相看語不多我待衣冠

掛神武杖藜來此老岩阿

谷中有月露峨眉水織珠簾更絕奇滿目峯峦觀未盡

有僧携紙覓題詩

梅溪先生後集卷第二十一



